

საქართველოს ფინანსთა მინისტრის

ბრძანება №419
2014 წლის 30 დეკემბერი

ქ. თბილისი

სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების აღრიცხვისა და ხარჯვის წესის დამტკიცების შესახებ

„საქართველოს საბიუჯეტო კოდექსის“ 56-ე მუხლის მე-2 ნაწილის, „საქართველოს ფინანსთა სამინისტროს დებულების დამტკიცების შესახებ“ საქართველოს მთავრობის 2013 წლის 17 დეკემბრის №341 დადგენილებით დამტკიცებული დებულების მე-3 მუხლის „ჩ“ ქვეპუნქტისა და მე-4 მუხლის მე-3 პუნქტის „ლ“ ქვეპუნქტის საფუძველზე, ვბრძანებ:

მუხლი 1

1. დამტკიცდეს „სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების აღრიცხვისა და ხარჯვის წესი“ (დანართი №1) და „სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების შესახებ ხარჯთაღრიცხვის ფორმა“ (დანართი №2).

2. ამ ბრძანების ამოქმედებისთანავე ძალადაკარგულად გამოცხადდეს „სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების აღრიცხვისა და ხარჯვის წესის დამტკიცების შესახებ“ საქართველოს ფინანსთა მინისტრის 2013 წლის 27 დეკემბრის №436 ბრძანება.

მუხლი 2

ეს ბრძანება ამოქმედდეს 2015 წლის 1 იანვრიდან.

ფინანსთა მინისტრი

ნოდარ ხადური

დანართი №1

სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების აღრიცხვისა და ხარჯვის წესი

მუხლი 1. ზოგადი დებულებები

1. ეს წესი განსაზღვრავს სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების აღრიცხვის და ხარჯვის მექანიზმს. ეს წესი აგრეთვე ვრცელდება სასაქონლო/ნატურალური ფორმით მიღებულ მონეტიზებულ გრანტებზე.

2. ამ წესის მიზნებისათვის გამოყენებულ ტერმინებს აქვთ შემდეგი მნიშვნელობა:

ა) უწყებები – საქართველოს ფინანსთა სამინისტროს სახაზინო სამსახურის (შემდგომში – სახაზინო სამსახური) მომსახურებაზე მყოფი საბიუჯეტო ორგანიზაციები;

ბ) მიზნობრივი დაფინანსება – საქართველოს პარლამენტის მიერ რატიფიცირებული საერთაშორისო ხელშეკრულების ფარგლებში კონკრეტული მიზნებისათვის მიღებული დაფინანსება, ასევე კონკრეტული მიზნობრივობით უწყების მიერ მიღებული მიზნობრივი დაფინანსება, რომელიც საბიუჯეტო კლასიფიკაციის მიხედვით არ კლასიფიცირდება როგორც გრანტი;

გ) მონეტიზებული გრანტი – სამინისტროებისა და უწყებების მიერ სასაქონლო/ნატურალური ფორმით მიღებული გრანტის რეალიზაციის შედეგად ამონაგები თანხა.

3. ეს წესი არ ვრცელდება სამინისტროებისა და უწყებების მიერ მიღებულ გრანტებზე:

ა) რომლებიც ასახულია შესაბამისი წლის დამტკიცებულ სახელმწიფო ბიუჯეტში;



ბ) რომლის გაცემის წყაროსაც წარმოადგენს სახელმწიფო ბიუჯეტით დამტკიცებული ასიგნებები.

საქართველოს ფინანსთა მინისტრის 2015 წლის 22 სექტემბრის ბრძანება №302 - ვებგვერდი, 22.09.2015წ.

მუხლი 2. გრანტის/მიზნობრივი დაფინანსების აღრიცხვა

1. ფულადი გრანტის/მიზნობრივი დაფინანსების აღრიცხვისა და საჯაროობის უზრუნველყოფის მიზნით, სამინისტროებისა და უწყებების მიერ მიღებული ფულადი გრანტები/მიზნობრივი დაფინანსება აღრიცხება ფულადი გრანტის/მიზნობრივი დაფინანსების აღრიცხვის ელექტრონულ ბაზაში (შემდგომში - ელექტრონული ბაზა).

2. ელექტრონულ ბაზაში შეიტანება შემდეგი მონაცემები:

ა) ფულადი გრანტის/მიზნობრივი დაფინანსების მიმღები ან/და განმკარგავი სამინისტროს და/ან უწყების დასახელება;

ბ) ფულადი გრანტის/მიზნობრივი დაფინანსების მიმღები ან/და განმკარგავი სამინისტროს ან/და უწყების მისამართი (ადგილმდებარეობა) და საკონტაქტო ტელეფონები;

გ) საგადასახადო ორგანოს მიერ მინიჭებული საიდენტიფიკაციო ნომერი;

დ) ფულადი გრანტის/მიზნობრივი დაფინანსების ხელშეკრულების თარიღი (ნომერი) და მოქმედების ვადა;

ვ) ფულადი გრანტის/მიზნობრივი დაფინანსების გამცემის (დონორის) დასახელება.

3. ელექტრონულ ბაზაში სამინისტროებისა და უწყებების მიერ მიღებული ფულადი გრანტი/მიზნობრივი დაფინანსება შეიძლება არ იქნეს შეტანილი მხოლოდ იმ შემთხვევაში, თუ წარმოდგენილი დოკუმენტები არ შეესაბამება საქართველოს მოქმედ კანონმდებლობას.

4. სამინისტროებისა და უწყებებისათვის მიღებული ფულადი გრანტების/მიზნობრივი დაფინანსების დამტკიცება ხორციელდება საქართველოს ფინანსთა სამინისტროს მიერ გრანტის/მიზნობრივი დაფინანსების შესახებ ხარჯთაღრიცხვის ელექტრონული ცნობით (შემდგომში - ცნობა), ელექტრონულ ბაზაში ამ მუხლის მე-2 პუნქტში აღნიშნული მონაცემების შეტანის შემდეგ.

5. ცნობით დასადასტურებლად საქართველოს ფინანსთა სამინისტროში უნდა წარადგინონ ამ ბრძანების დანართი №2-ით გათვალისწინებული შევსებული ფორმა ერთ ეგზემპლარად. ფორმის წარდგენა შესაძლებელია ელექტრონული დოკუმენტბრუნვის სისტემის მეშვეობით. ფულადი გრანტის/მიზნობრივი დაფინანსების ცნობით დაუდასტურებლობის შემთხვევაში საქართველოს ფინანსთა სამინისტრო წერილობითი ფორმით ატყობინებს შესაბამის სამინისტროს ან უწყებას.

5¹. ამ ბრძანების №2 დანართში აისახება დონორთან გაფორმებული ხელშეკრულების ფარგლებში გადასახდელი ფულადი გრანტის/მიზნობრივი დაფინანსების მიმდინარე წლის წლიური მოცულობა.

6. ცნობის დადასტურება ხორციელდება ელექტრონულად, ბიუჯეტის მართვის ელექტრონული სისტემის მეშვეობით, საქართველოს ფინანსთა სამინისტროს საბიუჯეტო დეპარტამენტის სახელმწიფო და ნაერთი ბიუჯეტის ფორმირების სამმართველოს უფროსის ან/და საბიუჯეტო დეპარტამენტის უფროსის ან/და საბიუჯეტო დეპარტამენტის უფროსის მოადგილის მიერ. ცნობას ენიჭება ნომერი და თარიღი.

7. წლიური საბიუჯეტო კანონის დამტკიცების შემდგომ ფულადი გრანტის/მიზნობრივი დაფინანსების სახით მიღებული სახსრების სახაზინო კოდზე ფაქტობრივად ჩარიცხული თანხის მოცულობის მიხედვით, „საქართველოს საბიუჯეტო კოდექსის“ მე-40 მუხლისა და დადასტურებული ცნობ(ებ)ის საფუძველზე, შესაძლოა დაზუსტდეს წლიური საბიუჯეტო კანონი.

8. სამინისტროებისა და უწყებების მიერ მიღებული ფულადი გრანტები/მიზნობრივი დაფინანსება ჩარიცხება ხაზინის ერთიანი ანგარიშის 302007000 სახაზინო კოდზე – ფულადი გრანტის/მიზნობრივი დაფინანსების სახით მიღებული სახსრები. ფულადი გრანტის/მიზნობრივი დაფინანსების სახსრებით გაწეული ხარჯების დაბრუნება ხორციელდება ხაზინის ერთიანი ანგარიშის სახაზინო კოდზე – 302009941, გარდა ხელშეკრულებით გათვალისწინებული პირდაპირი ჩარიცხვებისა.

9. ყოველი წლის 1 იანვრისათვის არსებული ნაშთი რჩება ფულადი გრანტის/მიზნობრივი დაფინანსების მიმღების/განმკარგავის განკარგულებაში და მისი ცნობით დადასტურების შემთხვევაში შესაძლოა აისახოს



შესაბამის წლიურ საბიუჯეტო კანონში ამ მუხლის მე-7 პუნქტის შესაბამისად.

10. საქართველოს ფინანსთა სამინისტროს მიერ დამტკიცებული გრანტები/მიზნობრივი დაფინანსება, ამ მუხლის მე-7 პუნქტის მიხედვით წლიური საბიუჯეტო კანონის დაზუსტების შემდგომ, აისახება საქართველოს ფინანსთა მინისტრის მიერ დამტკიცებულ კვარტალურ განწერაში.

11. სახაზინო სამსახური ფულადი გრანტის/მიზნობრივი დაფინანსების მიმღები სამინისტროებისა და უწყებების მიერ გრანტის/მიზნობრივი დაფინანსების თანხებით გაწეულ საკასო ოპერაციებზე, სახაზინო სამსახურში არსებული ინფორმაციის და ამ მუხლის მე-10 პუნქტის შესაბამისად, კვარტალური განწერის დაზუსტების შემდგომ უზრუნველყოფს შესაბამისი ოპერაციების განხორციელებას, თანხების ბიუჯეტის შემოსულობებში და გადასახდელებში ასახვის მიზნით.

12. ამ წესის საფუძველზე აღრიცხული, სამინისტროებისა და უწყებების მიერ ფულადი გრანტების/მიზნობრივი დაფინანსების სახით მიღებული შემოსავლები და გაწეული გადასახდელები აისახება შესაბამისი წლის სახელმწიფო ბიუჯეტის შესრულების ანგარიშსა და ანგარიშგებაში.

საქართველოს ფინანსთა მინისტრის 2015 წლის 22 სექტემბრის ბრძანება №302 - ვებგვერდი, 22.09.2015წ.

საქართველოს ფინანსთა მინისტრის 2017 წლის 4 მაისის ბრძანება №155 - ვებგვერდი, 05.05.2017წ.

საქართველოს ფინანსთა მინისტრის 2019 წლის 9 იანვრის ბრძანება №2 - ვებგვერდი, 10.01.2019წ.

მუხლი 3. ფულადი გრანტის/მიზნობრივი დაფინანსების განკარგვა

1. სახაზინო სამსახურისათვის ფულადი გრანტის/მიზნობრივი დაფინანსების ფარგლებში თანხების გაცემის საფუძველს წარმოადგენს საგრანტო/მიზნობრივი დაფინანსების ხელშეკრულების და აღრიცხვის მონაცემების შესაბამისად, საქართველოს ფინანსთა სამინისტროს მიერ ელექტრონულად დადასტურებული ცნობ(ებ)ის საფუძველზე, გრანტის/მიზნობრივი დაფინანსების განმკარგავისათვის ბიუჯეტის მართვის ელექტრონულ სისტემაში გაწერილი გეგმები ან/და ხელშეკრულებით გათვალისწინებულ შემთხვევებში შესაძლებელია გამოყენებულ იქნეს პირდაპირი ჩარიცხვის მეთოდი.

2. ცნობაში ფულადი გრანტი/მიზნობრივი დაფინანსება გაიწერება საბიუჯეტო კლასიფიკაციის მუხლების მიხედვით, ფულადი გრანტის/მიზნობრივი დაფინანსების მიმღები სამინისტროებისა და უწყებების მიერ, ხარჯთაღრიცხვის ფორმით წარმოდგენილი ინფორმაციის შესაბამისად.

3. ხელშეკრულებით განსაზღვრული პირობებიდან გამომდინარე, დონორისთვის ფულადი გრანტის/მიზნობრივი დაფინანსების უკან დაბრუნების აუცილებლობის შემთხვევაში, მისმა განმკარგავმა უნდა წარმოადგინოს ხარჯთაღრიცხვის ფორმა, რომელშიც შესაბამისი მოცულობის თანხა გათვალისწინებული იქნება ხარჯების ეკონომიკური კლასიფიკაციის „გრანტების“ მუხლში და მოთხოვნის ცნობით დადასტურების შემდგომ განხორციელოს თანხების გადარიცხვა დონორის მიერ მითითებულ ანგარიშზე.

4. წლის განმავლობაში საგრანტო/მიზნობრივი დაფინანსების ხელშეკრულების ცვლილების ან/და ფულადი გრანტის/მიზნობრივი დაფინანსების მიმღების/განმკარგავის მიერ საქართველოს ფინანსთა სამინისტროში წარდგენილი ახალი ხარჯთაღრიცხვის საფუძველზე, შესაძლებელია ცნობით დადასტურებული საბიუჯეტო კლასიფიკაციის მუხლებს შორის ურთიერთგადანაწილება.

5. ფულადი გრანტის/მიზნობრივი დაფინანსების ხარჯვა ხორციელდება საგრანტო/მიზნობრივი დაფინანსების ხელშეკრულებისა და საქართველოს კანონმდებლობის შესაბამისად.

საქართველოს ფინანსთა მინისტრის 2017 წლის 4 მაისის ბრძანება №155 - ვებგვერდი, 05.05.2017წ.



საქართველოს ფინანსთა მინისტრის 2017 წლის 24 იანვრის ბრძანება №17 - ვებგვერდი, 25.01.2017წ.
 საქართველოს ფინანსთა მინისტრის 2019 წლის 9 იანვრის ბრძანება №2 - ვებგვერდი, 10.01.2019წ.

ხარჯთაღრიცხვის ფორმა
სამინისტროებისა და უწყებების მიერ მიღებული ფულადი გრანტების/მიზნობრივი დაფინანსების შესახებ

ფულადი გრანტის/მიზნობრივი დაფინანსების მიმღები სამინისტროს ან უწყების ხელმძღვანელი	ფულადი გრანტის/მიზნობრივი დაფინანსების განმკარგავი სამინისტროს ან უწყების ხელმძღვანელი
_____ ბ.ა _____ 20 წელი	_____ ბ.ა _____ 20 წელი

ფულადი გრანტის/მიზნობრივი დაფინანსების მიმღების და განმკარგავის დასახელება

ფულადი გრანტის/მიზნობრივი დაფინანსების გამცემი (დონორი) ორგანიზაცია

ხელშეკრულების რეკვიზიტები: დასახელება, ნომერი, თარიღი

ფულადი გრანტის/მიზნობრივი დაფინანსების რეკვიზიტები

ვალუტის დასახელება

I	დასახელება	უცხოურ ვალუტაში*	ეროვნულ ვალუტაში
1	ფულადი გრანტის/მიზნობრივი დაფინანსების მთლიანი მოცულობა		
2	მ.შ. მიღებული თანხა		
3	მ.შ. სულ დამტკიცებული მოცულობა		
II	დასახელება	ეროვნულ ვალუტაში	
1	წაშთი პერიოდის დასაწყისში		
2	მიმდინარე წლის ჩამოსარიცხი მოცულობა ¹		

¹ მიეთითება ფულადი გრანტის/მიზნობრივი დაფინანსების წლიური ჩამოსარიცხი მოცულობა, რომელიც არ უნდა აღემატებოდეს ფულადი გრანტის/მიზნობრივი დაფინანსების მთლიან მოცულობას, წინა პერიოდში განხორციელებული გადახდების/პირდაპირი ჩარიცხვების გათვალისწინებით.

III	დასახელება	ცვლილება ლარებში **				
		(+/-)				
		წლიური თანხა	I კვ.	II კვ.	III კვ.	IV კვ.
1	ხარჯები					
1.1	შრომის ანაზღაურება					
1.2	საქონელი და მომსახურება					
1.3	პროცენტი					
1.4	სუბსიდიები					
1.5	გრანტები					
1.5.1***	გრანტები საერთაშორისო ორგანიზაციებს					
1.5.1.1***	მიმდინარე					
1.5.1.2***	კაპიტალური					
1.6	სოციალური უზრუნველყოფა					
1.7	სხვა ხარჯები					
1.7.1***	მიმდინარე ტრანსფერები, რომელიც სხვაგან არ არის კლასიფიცირებული					
1.7.2***	კაპიტალური ტრანსფერები, რომელიც სხვაგან არ არის კლასიფიცირებული					
2	არაფინანსური აქტივების ზრდა					
3	ფინანსური აქტივების ზრდა					
3.1***	საშინაო დებიტორები					
3.1.1***	სესხები					
3.2***	საგარეო დებიტორები					
3.2.1***	სესხები					
4	ვალდებულებების კლება					
4.1***	საშინაო კრედიტორები					
4.1.1***	სესხები					
4.2***	საგარეო კრედიტორები					
4.2.1***	სესხები					
5	სულ ჯამი (1+2+3+4)					

* აღნიშნული მონაცემები წარმოდგენილი უნდა იქნეს ვალუტის ერთეულში;

** ფორმის III ნაწილში საბიუჯეტო კლასიფიკაციის მუხლების მიხედვით წარმოდგენილი უნდა იყოს ფულადი გრანტის/მიზნობრივი დაფინანსების ის მოცულობა, რომელიც მიმდინარე საბიუჯეტო წლის მოსალოდნელი ჩამორიცხვის შედეგად მტკიცდება/ემატება მთლიან დამტკიცებულ მოცულობას, საჭიროებს მუხლობრივ ცვლილებას, უკან უბრუნდება დონორს ან/და წარმოადგენს წინა პერიოდის ნაშთს და არ მიეთითება მიმდინარე წლის მთლიანი დამტკიცებული მოცულობა ნაზარდი ჯამით;

*** წარმოდგენილ გრაფებში მითითებული მუხლები წარმოადგენს მაგალითს და ფორმის შევსებისას სამინისტროს/უწყების მიერ უნდა დაემატოს ხარჯების ეკონომიკური კლასიფიკაციის სხვა ხარჯების, გრანტების და ფინანსური აქტივების და ვალდებულებების და მათზე ოპერაციების კლასიფიკაციის შესაბამისი მუხლ(ებ)ი.“.